

ქ. ბათუმი

08/06/2016 წელი

ერთის მხრივ, სსიპ - ლაბორატორიული კვლევითი ცენტრი, შემდგომში „შემსყიდველი“, წარმოდგენილი ცენტრის უფროსის რამაზ სურმანიძის სახით

და მეორეს მხრივ, შპს სინუსი, შემდგომში „მიმწოდებელი“, წარმოდგენილი დირექტორის თენგიზ შამილაძის სახით,

სახელმწიფო შესყიდვის განხორციელების მიზნით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულებით მიმწოდებელი კისრულობს ვალდებულებას მოუმზადოს შემსყიდველს სსიპ - ლაბორატორიული კვლევითი ცენტრის შენობის პირველ სართულზე სახარჯთაღრიცხვო დოკუმენტაცია (დანაყოფის კოდი - 71300000), შემდეგში „შესყიდვის ობიექტი/მომსახურება“, ხელშეკრულების 2.1. პუნქტით გათვალისწინებული ანაზღაურების სანაცვლოდ.
- 1.2. მიმწოდებელი ვალდებულია გაუწიოს შემსყიდველს ხელშეკრულების 1.1. პუნქტით გათვალისწინებული მომსახურება 2016 წლის 15 ივნისამდე.

2. შესყიდვის ობიექტის ღირებულება, დაფინანსების წყარო

- 2.1. შესყიდვის ობიექტის ღირებულება შეადგენს 500,00 ლარს.
- 2.2. შესყიდვის ობიექტის ღირებულება ითვალისწინებს როგორც მომსახურების შესყიდვასთან დაკავშირებულ ხარჯებს, ასევე საქართველოს კანონმდებლობით მიმწოდებლისთვის დადგენილ ყველა გადასახადს.
- 2.3. დაფინანსების წყარო - საკუთარი შემოსავლები.

3. ანგარიშსწორების წესი

- 3.1. ანგარიშსწორება მიმწოდებელთან განხორციელდება ფაქტობრივად გაწეულ მომსახურებაზე მიღება-ჩაბარების აქტის გაფორმებიდან ან/და საგადასახადო ანგარიშფაქტურის (იმ შემთხვევაში, თუ მიმწოდებელი დღგ-ს გადამხდელია) დადასტურებიდან 15 (თხუთმეტი) სამუშაო დღის ვადაში, უნაღდო ანგარიშსწორების ფორმით ეროვნულ ვალუტაში მიმწოდებლის საბანკო ანგარიშზე თანხის ჩარიცხვის გზით.

4. შესყიდვის ობიექტის მიღება-ჩაბარების წესი

- 4.1. შემსყიდველმა უნდა შეამოწმოს შესრულებული მომსახურება ხელშეკრულების პირობებთან მიმართებაში.
- 4.2. მიმწოდებლის მიერ წარმოდგენილი სახარჯთაღრიცხვო დოკუმენტაცია უნდა შეესაბამებოდეს საქართველოს კანონმდებლობით დადგენილ მოთხოვნებს.
- 4.3. შესყიდვის ობიექტის მიღება-ჩაბარებას ახორციელებენ სათანადოდ უფლებამოსილი პირები მიღება-ჩაბარების აქტის საფუძველზე მიმწოდებლის მიერ ფაქტობრივად გაწეული მომსახურების შესაბამისად.
- 4.4. იმ შემთხვევაში, თუ გაწეული მომსახურება შეესაბამება ხელშეკრულებით გათვალისწინებულ მოთხოვნებს, სათანადოდ უფლებამოსილი პირები მიღება-ჩაბარების აქტის საფუძველზე ახორციელებენ შესყიდვის ობიექტის მიღებას, ხოლო თუ გამოვლინდება, რომ იგი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს შესყიდვის ობიექტი და მოსთხოვოს მიმწოდებელს ხარვეზის აღმოფხვრა 05 დღის ვადაში მიმწოდებლის ხარჯით.



5. მხარეთა უფლება-მოვალეობანი

- 5.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 5.2. შემსყიდველი უფლებამოსილია:
 - 5.2.1. ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება, ასევე მომსახურების ხარისხის პერიოდული კონტროლი;
 - 5.2.2. მოსთხოვოს მიმწოდებელს მიწოდებული შესყიდვის ობიექტის შემოწმების შედეგად გამოვლენილი წუნის აღმოფხვრა, შემსყიდველის მხრიდან რაიმე დამატებითი დანახარჯის გაწევის გარეშე.
- 5.3. შემსყიდველი ვალდებულია ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესყიდვის ობიექტის ღირებულება.
- 5.4. მიმწოდებელს უფლება აქვს მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულების პირობების შესაბამისად.

6. დაუძლეველი ძალა

- 6.1. ხელშეკრულების პირობების ან რომელიმე მათგანის მოქმედების შეჩერება დაუძლეველი ძალის გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა.
- 6.2. დაუძლეველი ძალა ნიშნავს მხარეების კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და მიმწოდებლის შეცდომებსა და დაუდევრობასთან. ასეთი გარემოება შეიძლება გამოწვეული იქნას წყალდიდობით, ხანძრით, მიწისძვრით და სხვა სტიქიური მოვლენებით, საომარი მოქმედებით, ექსპორტისა და იმპორტის აკრძალვით, აგრეთვე სხვა წინასწარ გაუთვალისწინებელი, მხარეების ნებისაგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე.
- 6.3. დაუძლეველი ძალის გამოვლენის შემთხვევაში ხელშეკრულების შესრულების ვადა გადაიწევს შესაბამისი დროით, დამაბრკოლებელ გარემოებათა დასრულებამდე.
- 6.4. დაუძლეველი ძალის გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუფხავნოს მეორე მხარეს წერილობითი შეტყობინება ასეთი გარემოებების და მათი გამოწვევის მიზეზების შესახებ, ასევე ვალდებულების შესრულების შეუსრულებლობის სავარაუდო ხანგრძლივობის შესახებ. თუ მეორე მხარე არ დათანხმდა ვალდებულების შესრულების ვადის გაგრძელებაზე, მხარეებს უფლება აქვთ შეწყვიტონ ხელშეკრულება.

7. ხელშეკრულების პირობების გადასინჯვა. ხელშეკრულების შეწყვეტა

- 7.1. ხელშეკრულებაში ცვლილებებისა და დამატებების შეტანა დასაშვებია მხარეთა თანხმობის შემთხვევაში. ნებისმიერი ცვლილება ან დამატება, 6.2. პუნქტის გათვალისწინებით, ხელშეკრულებაში შეიძლება შეტანილ იქნეს მხოლოდ წერილობითი ფორმით გაფორმებული შეთანხმების სახით, რომელიც ჩაითვლება ხელშეკრულების განუყოფელ ნაწილად.
- 7.2. ხელშეკრულების პირობების შეცვლა დაუშვებელია, თუ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევებშიც ხელშეკრულების საერთო ღირებულება შეიძლება გაიზარდოს ხელშეკრულების საერთო ღირებულების 10%-ის ფარგლებში.
- 7.3. თუ ხელშეკრულების დადების შემდეგ აღმოჩნდება, რომ არსებობს რეალური საშიშროება იმისა, რომ მიმწოდებელი არ შეასრულებს თავის ვალდებულებას ჯეროვნად და კეთილსინდისიერად, შემსყიდველი უფლებამოსილია ვადაზე ადრე მოითხოვოს წინამდებარე ხელშეკრულების შეწყვეტა.
- 7.4. წინამდებარე ხელშეკრულება შეიძლება შეწყდეს ვადაზე ადრე მხარეთა შეთანხმების საფუძველზე.



8. მხარეთა პასუხისმგებლობა ხელშეკრულების პირობების დარღვევისას

- 8.1. ხელშეკრულების პირობების არაჯეროვანი შესრულების ან შეუსრულებლობისათვის მხარეებს დაეკისრებათ პირგასამტეხლოს გადახდა შეუსრულებელი ვალდებულების 0,2%-ის ოდენობით ყოველ ვადაგადაცილებულ დღეზე.
- 8.2. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულების მოქმედების ვადა

- 9.1. ხელშეკრულება ძალაში შედის მხარეთა მიერ მისი ხელმოწერის მომენტიდან და მოქმედებს 2016 წლის 30 აგვისტომდე. მხარეთა მიერ ნაკისრი ვალდებულებების სრულად და ჯეროვნად შესრულებამდე.

10. სადავო საკითხების გადაწყვეტა

- 10.1. მხარეები თანხმდებიან, რომ უპირველესად შეთანხმებისა და ურთიერთმოლაპარაკების გზით მოაგვარონ მათ შორის წამოჭრილი ნებისმიერი უთანხმოება და აზრთა სხვადასხვაობა.
- 10.2. შეთანხმების მიუღწევლობის შემთხვევაში, თითოეულ მხარეს შეუძლია დავის გადაწყვეტის მიზნით მიმართოს სასამართლოს.

11. სხვა პირობები

- 11.1. ამ ხელშეკრულებით გაუთვალისწინებელი საკითხები რეგულირდება საქართველოს მოქმედი კანონმდებლობით.
- 11.2. ხელშეკრულება შედგენილია ქართულ ენაზე ორ თანაბარმნიშვნელოვან ეგზემპლარად, რომელთაგან ერთი ინახება შემსყიდველთან, ხოლო მეორე გადაეცემა მიმწოდებელს.

12. მხარეთა რეკვიზიტები:

შემსყიდველი:	მიმწოდებელი:
სსიპ - ლაბორატორიული კვლევითი ცენტრი	შპს სინუსი
ს/კ 245645235	ს/კ 245595930
ელ. ფოსტა: Samebalab@gmail.com	ელ.ფოსტა: sinusi2007@mail.ru
მის: ქ. ბათუმი, დასახლება ქვედა სამება	იურ. მის: ქ. ბათუმი, მ.ლერმონტოვის ქ. N 57 ბ. 88
ხაზინის ერთიანი ანგარიში	სს თიბისი ბანკის ბათუმის ფილიალი
კოდი: TRESGE22	ბანკის კოდი - TBCBGE22
მიმღების ანგარიში: 740347519	ა/ა GE78 TB10 0613 6050 1000 47 GEL
ცენტრის უფროსი: რამაზ სურმანიძე	დირექტორი: თენგიზ შამილაძე

